



ЗАМАН



Газета издаётся на балкарском языке с 1924 года

Интернет-версия: gazeta.zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Кенгеш

Жамауатха тюз хапар билдирип туруу – хаталаны азайтыуу амалы

Нальчикде Россейни ФСБ-сыны Къабарты-Малкъар Республикада Управлениясыны таматасы, КъМР-ни Оператив штабыны башчысы полковник П.Н. Громушкини башчылыгы бла ведомстволар аралы кенгеш ётгенди. Анда халкъга террорчулукъ ишлени, терроризмге къажар кюрешни да юслеринден билдирип турууну кючлендириуге энчи эс бурулганды.



Жыйылууга КъМР-ни Башчысы **К.В.Коков**, Терроризмге къажар миллет комитетни (НАК) энчи келечиси **А.С.Пржездомский**, КъМР-ни Оператив штабыны бла Терроризмге къажар комиссиясыны къаууму, министрстволаны бла ведомстволаны башчылары, къырлар органланы жамауат бла байламлыкъ жюрютюу жаны бла бёлюмлерни келечилери къатышхандыла.

Сюзоуно башлай, П.Н. Громушкин терроризмге бла экстремизмге къажар кюрешни къыйматы къырлар власть органланы, жер-жерли самоуправленияны, право низамны сакълаучуланы, кюч структураланы эмда жамауат биригулени келишип ишлегенлерине кёре боллугъун чертгенди. «Террорчулукъдан чыкыгъан къоркъууну, аны жолун кесиуну юсюнден халкъга тюз хапар билдирип туруу – чыгъаргъа боллукъ хаталаны не къадар азайтыргъа онг береди», – деп чертгенди ол.

Терроризмге къажар миллет комитетини энчи келечиси уа жыйылууга къатышханланы эслерин Украинада бара турган энчи аскер операцияны кезиунде терс хапарла бек жайылгъанларына эмда ала хатасыз болмагъанларына бургъанды. Жаш адамланы араларында радикал ниетле да сакъланганларын эсгертенди. «Шёндю террорчулукъ ишле башха тюрлюдюле:



терактланы бардыруу, жаш тёлнюю алдау амалла да тюрленгендиле», – дегенди А.С.Пржездомский.

НАК-ны башчылыгы бла тийишли мадарла этиледиле, алай жамауат эмда жаш тёлню биригулени эмда, сёзсюз, басма органланы магъаналары уа ёседи. Аны бла байламлы террорчулукъ ишлени болдурмауну, терроризмге къажар кюрешни игилендириуну бютюн къыйматлы амаллары туура этилгендиле. Ала регионлада ахшы сынаулагъа кёре жарашдырылгъандыла.

КъМР-ни Башчысы К.В.Коков

республикада терроризмге къажар ол башчылыкъ этген комиссияны иши бла шагърейлендиргенди. Ол халкъны къоркъуусулугъун жалчытуу ал жанында болгъанына ышандыргъанды эмда къырлар власть органла жаш адамланы террорчулукъ эмда экстремист ишледен сакълар ючюн, къаллай мадарла этгенлерин билдиргенди. Сёз ючюн, республикада жангы тийишли министерство къуралгъанды, кадрланы хазырлаугъа энчи эс бурулады, басма органланы техника онглары кенгертиледи. Регионну оноучусу терроризмден

бла экстремизмден сакълануу мадарланы бирге тийишдириу жаны бла министрни ишине бийик багъа бичгенди.

Кенгешни ахырында власть органла бла кюч структурала терроризмден эмда аллай аманлыкъ ишледен сакълануу жаны бла не мадарла этгенлерин Къабарты-Малкъарны жамауатына дайым хапар билдирип туруу бютюн къыйматлы болур ючюн къошакъ амалла жарашдырылгъандыла, деп билдиреди ФСБ-ны КъМР-де Управлениясыны пресс-службасы.

Махтаулыкъ

Кишилигине – сыйлы орден

Республикабыздан кёп жашыбыз энчи аскер операцияга къатышып, къуллукъ борчларын бет жарыкылы толтурадыла, батырлыкъларын, ётюрлюклерин да кёргюзтюп, атларын иги бла айтдырадыла. Анга уа кёплери Россей Федерацияны Президентини Указы бла сыйлы орденле эмда майдалла бла саугъаланганлары шагъатлыкъ этеди.

Текуланы Сейпуну жашы Ислам ма аллай жигит жашларыбыздан бириди. Россей Федерацияны Президенти Владимир Путинни 2023 жылны 20 февралында чыгъарылгъан Указы бла ол Кишиликни ордени бла саугъаланганды. Аллай



сыйгъа таулу жаш душманны топ-окъ атып турган жерлерин гунч этгени, бир ненча боевикни да жесирге алгъаны ючюн тийишли болгъанды. Атышыуладан биринде ётюр жаш ауур жарала да алгъанды.

Текуланы Ислам Май районну Ново-Ивановское элинденди. Аны бла, Ата журтубузну жайынчакъсызлыгы ючюн къазауатха кирген, анларына кертичилей къалган башха жигит жашларыбыз бла да ёхтемленебиз, хорлам бла юйлерине сау-саламат къайтырларын тежейбиз.

Маданият

10 бет

Акъылманн хар сёзю жюреклеге терен тюшгенди



Мечиланы Кязим атлы маданият фонд ишлеп башлагъанлы беш жыл ётгенди. Ол къысха заманы ичинде анда ишлегенле этген ишлени санар онг жокъду – орус, малкъар тилде да закыйни на-зму жыйымдыкъларын чыгъаргъандыла, анга атап этилген теле, радио бериулени саны да жокъду.

Биз биргебиз

12 бет



Нальчикде «Махтаулыкъну ёмюрлюк оту» мемориалда СССР фашист Германияны хорлагъанлы 78 жыл толгъанына аталып, улуу патриот акция болгъанды.

Фашизм башын кётюрмез ючюн

ПАРЛАМЕНТ

Насийхатчылыкъны
тийишлисича къураргъа алланып

Насийхатчылыкъ республикада не болумдады? Бу теманы КъМР-ни Парламентини депутатлары, жууаллы министрстволаны, ведомстволаны, билим бериу организациялары келечилери бла бирге сюзгендиле. Жыйылыу Жаш тёлнюнго бла окъуучулары чыгъармачылыкларыны республикалы мекемянда болгъанды. Аны Парламентни Билим бериу, илму эм жаш тёлнюнго ишлери жаны бла комитет къурагъанды.

Тюбешиюно ача, комитетни башчысы **Нина Емузова** насийхатчылыкъ жангы амал болмагъанын, совет къыралда иште энди келген жаш адамгъа сынаулу таматала усталыкыны энчиликлерине тюшонюрге болушуп тургъанларын белгилегенди. Болсада Россейде Насийхатчыны бла устазны жылы бардырылганы бу институтха жангы кёздөн къараргъа онг бергенин белгилегенди ол.

– Болсада бу иш бла кюрешген устазланы кёллендириу жаны бла регион праволу база жокъду. Муниципал къуралыулары асламында ол ишлейди, алай бир-бирлеринде уа бу ишни тамамлаугъа билим бериу учреждение кеси жууагы этилгенди, – деп белгилегенди Анзор Езаов.

Сёз интернат учреждениялары бошагъан жаш адамлары юслеринден баргъанды. Докладчы айтханыча, 5-чи



– Профессионал билимли жаш кадрлары юйретирге сюе эсек, бу амалны жангыртыргъа керекди. Алай аны бююнню болумлары эсге алып айнаытыргъа тийишлиди. Эски мадарла шёндюго заманда хайырлы боллукъ тойолдолюе, – деп чертгенди.

Билим бериуде насийхатчылыкъ иш къалай къуралганыны юсюнден жарыкъландырыу эм илму министр **Анзор Езаов** доклад этгенди. Биринчиден, бу ишни праволу база бла жалчытыруну юсюнден баргъанды сёз. Министр билдиргенича, къыралда бу амалны эки нызамы къуралгъанды: школлары бла орта профессионал билим бериу учреждениялары окъуучуларында эмда жаш устазлагъа болушлукъ жаны бла.

Республикада уа 2024 жылгъа дери насийхатчылыкыны юлголю болумларын синдириуно жоруклары хазырлангъанды, КъМР-де Насийхатчылыкыны регион арасын къурау жаны бла болум къабыл кёрюлгенди. Бу амал билим бериу организациялада барысында да тамамланады, ол санда къошакъ билим бериу учреждениялада да.

номерли школ-интернатда ёксюз эм къарар адамлары болмагъан сабийлеге интернатны бошагъандан сора жамауат жашаугъа синдириу жаны бла социал ара ишлейди. Аны онглары бла къыйын жашау болумгъа тюшген выпускникле хайырланыргъа боллукъдула. Бююнлюкде араны онглары бла 11 жаш адам хайырланады. «Дагыда выпускниклеге волонтерла да болушлукъ этедиле, ол жаны бла программа сынау халда ишлеп башлагъанды», – деп къошханды ол.

Анзор Езаов жаш адамлары сейирлерин устазны усталыгына бурурча къаллай мадарла толтурулгъанларыны юсюнден да айтханды. Дагыда бу иш бла кюрешген устазланы кёллендириуно жаны бла регион база керек болгъанына эс бургъанды.

Жаш тёлню политикада насийхатчылыкъ иш къалай бардырылганын да сюзгендиле тюбешюге къатышханла. КъМР-ни жаш тёлнюно ишлери жаны бла министрни орунбасары **Ахметланы Артур** «Мен – насийхатчыма», «Бизнес – элге» эмда башха проектле жашауда къалай бардырылгъанларыны юсюнден

айтханды. Ала къыйын жашау болумгъа тюшген жаш адамлагъа болушлукъгъа, ёсюп келген тёлнюно предпринимательство бла кюреширге кёллендириуге, тюрлю-тюрлю усталыкыла, ол санда артык белгили болмагъанла бла да, шагъырейлендириуге бурулдула.

Социальный сетьледе бардырылгъан соруудан ачыкъланганыча, жаш адамла усталыкыгъа юйренген кезиуде алагъа болушлукъ артыкыда керек болгъанын айтхандыла. Аны бла бирге уа соруугъа къатышханлары жартысы кеслери да насийхатчылыкъ бла кюреширге хазыр болгъанларын билдиргендиле. Тинтилеге 18 жылдан 35 жылгъа дери инсанла къатышхандыла.

Жаш адамлары бла окъуучулары чыгъармачылыкларыны республикалы юйюно башчысы **Лара Калмыкова** насийхатчылыкъ учрежденияда къалай синдирилгенин билдиргенди. Ол бу мадарны магъаналыгыны, ол кеси ишлеп башлагъанда школда тамата негерлери этген болушлукъ арда анга ёсерге онг бергенин да чертгенди.

Устазланы профессионал усталыклары юсюнде араны башчысыны орунбасары **Ирина Шонтукова** насийхатчылыкыны ишин жалчытхан праволу базаны, къыралда аны айнаытыргъа энчи эс бурулганыны юслеринден айтханды. Ол шёндюго кезиуде студентлени бла иш бериучолени, энди ишлеп башлагъан эм сынаулу устазланы араларында болумла артыкыда магъаналы болгъанларына эс бургъанды эмда быйыл биринчи кере болуп насийхатчылары араларында конкурс бардырылгынын билдиргенди.

Кёп функциялы жаш тёлю араны башчысыны орунбасары **Оксана Кушова** «Мен – насийхатчыма» проектни юсюнден айтханды. Анга къатышыргъа сюзгенден завкала алып башлагъандыла. Проектни чеклеринде белгили, хурмет этилген таматала къыйын жашау болумгъа тюшген жаш адамлагъа усталык алып, иште тохташкыны кезиуде дери болушлукъ этедиле. Быйыл а 90 адам окъутулукъду, аладан 60-70-си сайланып, ала жаш адамла бла кюреширдиле.

Жыйылыуда насийхатчылары регион тизмесин къурауно, араны билимлерин ёсдюрююно, методика болушлукъ тамамлауно юслеринден баргъанды сёз. **Нина Гуэровна** бу сорууно магъаналыгынын белгиле, ол жаны бла ассоциация къурау гъа башламчылыкъ этгенди.

Жыйылыу жууаллы органлагъа эсгертиулени къабыл кёрюу бла бошалгъанды.

ТИКАЛАНЫ Фатима.

Жокълау

Багъыу
къыйматлы
болурча

Нальчикде «Саулукъ сакълау» миллет проектге кёре, жууукъ заманда республикалы Кардиодиспансерге жюрекни бла мыйыны тинтирча жангы компьютер томограф эм ангиограф алынырыкъдыла. Аны юсюнден КъМР-ни Саулукъ сакълау министрствосундан билдиргендиле.



Кёп болмай КъМР-ни саулукъ сакълау министр **Рустам Калибатов**, Кардиодиспансерде болуп, аны бёлюмлеринде иш къалай баргъаны бла шагъырейленгенди, жангы оборудование салынырыкъ жерлеге къарагъанды, саусузла бла да тюбешгенди, багъыу онглары юсюнден врачла бла ушакъ этгенди.

Министр айтханга кёре, УЗИ-аппарат, реанимация бла реабилитация бёлюмлеге оборудование да алынырыкъдыла.

Алгъаракълада билдиргенича, Кардиодиспансерде инфаркт бла инсульт болгъанла эм кыан тамырлары бла байламлы операция этилгенле, башха къыйын саусузла да дарманларын учуз багъасы бла алырча аптека да ишлерикди. «Аны Кардиодиспансерде ачылыуно тюз оноугъа санайма. Саусузла врач жазгъан препаратланы, анда-мында излеп айланмай, къатларында алалыкъдыла, – дегенди Рустам Михайлович.

Эсге сала айтсакъ, былтыр стационарда шёндюго амалла бла 1358 операция этилгенди. Ол «Жюрек эм кыан тамырла бла байламлы ауруулагъа къажу кюреш бардырыу» программада белгиленген кёрюмдюдөн 32 процентге кёпду.

Бизни корр.

ПАРТИЯ ЖУМУШЛА

Школлары тийрелерин айбатландырыу гъа энчи эс бургъанды

РФ-ни Къырал Думасында Къабарты-Малкъардан депутат Виктория Родина «Единая Россия» партианы инсанлары тилеклерине бла тарыгъыуларына тынгылауно ыйыгыны чеклеринде Май районда приём бардыргъанды. Анда жашау журт-коммунал мюлкню иши бла байламлы соруула сюзюлгендиле.

Депутат бла тюбешюге келгенден бирини тилеги тынгылы жангыртылгъан эмда ишлетилген школлары тийрелерин тапландырыу бла байламлы эди. Аны федерал даражада сюзерге кереклисин белгилегенди Виктория Родина. Бу жумушла

программагъа кирмегендиле. Алай бла уа билим бериу учреждениялары тийрелерин айбатландырыу жумушла муниципалитетлеге къаладыла. Аланы уа ачалары къыт болгъаны белгиледи. Бу сорууно парламентарийле бла бирге сюзерге керекли-



син белгилегенди ол. Виктория Родина Май районну администра-

циясыны башчысыны орунбасары **Кирилл Кожухов** эм билим бериу

управленияны таматасы **Элеонора Скотаренко** бла жангыртуу жумушла толтурулгъан эмда ишлене тургъан школлада болгъандыла.

– Кюрулушха контроль дайым да тамамланады, болжалла къалай сакълангъанлары сюзюлгенлей турадыла. Майскечиле уа мекемла хайырларыгъа бериллик кюнню ашыгып сакълайдыла. Алай бла школлада экинчи сменлени кетериге онг боллукъду. Партия проектни баш борчларындан бири уа окъутууно бир сменнге кёчюрююдо, – дегенди ол.

Ишлене тургъан школну тийресинде аскер-

чилени хурметине эсгерте салыныды, ол орнатылгъанлы элли жылдан кёп озгъанды, кеси да тозуар халгъа жетгенди. Тапландырыу жумушлары чеклеринде эсгертемени да жангыртхандыла.

– Муниципалитет школчулагъа бла устазлагъа эсгертемени тап халда тутаргъа эркин этгенлери тюз оноуду. Ёсюп келген тёлнюно тарыхыбызгъа хурмет этерге, Ата журтубузну къоруулаучуларыны житгилклерин эсде тутаргъа юйретирге керекди, – дегенди депутат.

ТОКЪЛАНЫ Фатима хазырлагъанды.

ЖЫЙЫЛЫУ

Малчылык бла жерчилик – жашау тамалы

Бу кюнледе Россейде фермер мюлкени бла эл мюлк кооперативлени ассоциациясыны (АККОР) Къабарты-Малкъарда бёлюмю Чегем районну жер-жерли администрациясыны межамында кезиулю регион жыйылыуун бардырганды.

Анга къатышыргъа Москвадан ассоциацияны президенти, РФ-ни Къырал Думасыны депутаты, анда Аграр жаны бла комитетни председателини биринчи орунбасары **Владимир Николаевич Плотников** да келгенди. Кенгешде

Владимир Николаевич бери келген эки кюнню ичинде Зольск, Черек, Чегем районлада болгъанын, эл мюлк къалай айныгъанын керюп, къууанганын да билдиргенди. «Къабарты-Малкъарны фермерлери эл мюлк продукт чыгарыуу жаны бла жетишимли ишлейди. Малчылык бла кюрешгенле, терек бахчала салгъанла, мирзеу ёсдюргенле да ишлерин тынгылы этедиле, алай бла къыралны экономикасын кючлейди. Не тюрлю продукцияны да, сабанлагъа керек урлукъну да кесибизде чыгарыргъа итинирге керекбиз, тыш къыралдан келтирмезча. Россейни эл мюлк



Ол, былтыр бла тенгешдиргенде, бизни фермерле, ала уа төрт мингден асламдыла, чыгаргъан затланы – эт, сют, бишлак, чабак, мирзеуле (чеплеу, нартох, будай), кёгетле – саны иги да кёторюлгенин белгилегенди (7,7 миллиард багъасы). Бу болумгъа аны аграр технологияланы жангыра баргъанлары, къырал болушлукъ да келтиргенин, суу тартыудан башлап, анда сансыз этерча жумуш болмагъанын чертгенди Инал Таламашев.

Артур Текушев, фермерлени хорлам байракълары бла алгъышлап, алагъа мындан ары да бийик жетишимле тежегенди. «Сиз республиканы экономикасын айнытхан кючсюз бююн», – дегенди ол.

АО «Россельхозбанкны» кредит бёлюмюню таматасы **Габаланы Артур** айтханга кёре, ала фермерлеге аяулу болумла къурагъандыла. Къабарты-Малкъар АККОР-гъа кирген энчи мюлк иелеге алада энчи эс бурулады. Тюрлю тюрлю акцияла боладыла, жыйырма тюрлю кредит программа ишлейди.

Профессор Аслан Алашев эл мюлкде керекли усталаны хазырагъан КъМКЪАУ-да болгъан тюрлениуле бла шагъерей этгенди. Аладан бири: хар бир студент да, 3-4 айны хакъсыз окъуп, къошакъ усталык алыргъа боллукъду: тахта кёгетлеге къараучу, терек бахчала ёсдюрюучю, кондитер, жау-бишлак этиучю, сварщик... Аслан Каральбиевич энди ала алгъынны, Совет Союзну заманындагъы, жорукълагъа къайтханларын да айтханды. Алагъа кёре уа, университетни бошагъанлары биринчи жылда ишлер жерлерине ириктиле. Аграр университетде илму мурдору кючлю болгъанын, ол тинти-излем жаны бла кёп иш этгенин да белгилегенди. «Беш жылны окъуп чыкыгъан уста ишлерге, башын тутарча хакъ алыргъа сюеди. Жарсыугъа, бизде окъугъанлары жаланда 80 проценти табады ол ишни. Аны ючюнд да керекди республикада фермерликни айнытыргъа», – дегенди ректор. Аны бла бирге мал, жер усталадан алагъа практикагъа баргъан студентлени юйретиуге энчи эс бурурларын тилегенди профессор.

Тау эм тау этекледе кёгет тереклени ёсдюрюу жаны бла ишлеген Илму-излем Шимал-Кавказ институтну директору **Бакуланы Жамал** республикада аграрчылары болушлукълары бла терек бахчаланы санлары ёсе баргъанын эсгергенди. Ол бизде жаш терекчиликни жангы технологияла бла ёсдюрген онбеш бёлюм болгъанын, аланы хар бири жыл сайын тыш къыралдан келтирилгенлеге хорлатмагъан чок мингден аслам терек ёсдюргенлерин айтханды эм фермерлеге аланы эшиклери ачык болгъанын белдиргенди.

Жыйылыугъа къатышханла, фермерле айтып, бусагъатлада эл мюлкде тохташхан болумланы сюзгенди. «Шэджем» фермер биригиуню таматасы **Артур Шаваев** ала малчылык, жерчилик бла да кюрешгенлерин, фермерлени ишлеринде бек магъаналыгъа сют алынуу санагъанын, ол иш а жарсыулу халда болгъанын айтханды. Мюлкню мирзеу урлукъланы тюрлю-тюрлюлерин ёсдюрюп, сатар онглары барды. Жангы излемле бла ишлерча устала, ол санда зоотехникле, ветеринарла да керекдиле мюлкге.

Дагъыда кеслерини жетишимлери бла АККОР-ну КъМР-де Чегем районда бёлюмюню таматасы **Хусен Хагажеев**, фермерле **Заур Тимижев**, **Османланы Тахир**, **Олег Бориев** эм башхала шагъерей этгенди.

Андан сора фермерле АККОР-ну бёлюмюню атын тюрлендиргенге, анга «Къабарты-Малкъар Республиканы фермерле ассоциациясы» деп атагъа келишгенди. Ызы бла биздеги АККОР-ну таматасы Инал Алакаев бла аны орунбасары, бу биригиуню чеклеринде ишлеген Элли тишируларыны битеуроссей къымылдауларыны жамауат биригиулерини КъМР-де бёлюмюню председатели **Тилланы Фердау** иги фермерлеге Россей АККОР-ну атындан «Сыйлы фермер» деген даражалы атла, махтау къагъытла бергенди. Фермерлени, элли тишируларыны жашауларыны ачыклагъан бир къауум журналист да алгъандыла махтау къагъытла.

МУСУКАЛАНЫ Сакинат.



КъМР-ни Правительствосуну председателини биринчи орунбасары **Сергей Говоров**, эл мюлк министри **Хасан Сижажев**, республиканы Парламентини аграр, табиғатны хайырлануу, экология эмда төгереки къоруулау комитетини председатели **Артур Текушев**, В.М. Кокос атлы Къабарты-Малкъар къырал аграр университетни ректору **Аслан Алашев**, АО «Россельхозбанкны» КъМР-де бёлюмюню директору **Алим Сокуров**, Чегем муниципал районну таматасы **Юрий Борсов** эм башхала болгъандыла. Жыйылыууну Россей АККОР-ну КъМР-де бёлюмюню председатели **Инал Алакаев** бардырганды.

Биринчи сёзюню ол Россей АККОР-ну таматасы Владимир Плотниковха бергенди. Владимир Николаевич, бизни республиканы фермерлери жетишимлери бла алчы жерге чыкыгъанларын белгилеп, алгъаракъда Москвада баргъан 34-чю сёзюнде буюрулгъаныча, аны Къабарты-Малкъарда бёлюмюне АККОР-ну байрагъын бергенди. Ма аллай къууанчы халда башлагъанды фермерлени магъаналы жыйылыулары ишин.

министри **Дмитрий Патрушев** салгъан борчладан бири олду. Республикада малчылык эм жерчилик төреле тамырлыдыла, айныйдыла. Сизге, этген ишигизге да ыспас этеме», – дегенди ол.

Владимир Плотников республиканы Башчысы **Казбек Коквахта** тубегенди. Россей АККОР-ну таматасы **Казбек Валерьевич** эл мюлкде бола тургъан ишле бла иги шагъерей болгъанын, халны ичинден, теренден билгенин ыразылык бла белгилегенди. Ала тубеишуде фермерлеге къырал берген болушлукъну юсюнден да айтхандыла.

Сергей Говоров жыйылгъанлагъа республиканы оюучусуну саламлашыу къагъытын окъугъанды. Анда Казбек Валерьевич отуз жылдан бери бу ассоциация Россей фермерлени сейирлерин къорулап, алагъа онг тапдыра келгенин, аны хайырындан Къабарты-Малкъарда малчылык, сабанчылык тутучу болгъанлары, республиканы продукциясы Россей сатыу-алыуда кесине даражалы жер алгъанын да чертгенди.

Ызы бла Инал Алакаев озгъан жылда АККОР-ну ишини юсюнден айтханды.

ИГИЛЕНДИРИУ

Эски кёпюрню орунуна – жангысы

Бу кюнледе «Кавказ» федерал жолда Урванны бла Эски Черекни арасында жангы кёпюр ишлей турадыла. Къурулуш былтырны ахырында башланганды, аны чырмаусуз бардырыр ючюнд подряд организацияны ишчилери Черек сууну ызын тюрлендирчча мадар этгенди.

Ишле баргъан кезиуде федерал жолда хаух эки темир кёпюр салынганды. Аладан бирин автотранспорт, башхасын а энчи

техника жюрюрча къурулушчула хайырланадыла.

Бусагъатда специалистле кёпюрню бетондан чигинжилерин къуя турадыла. Ол къыйын эм жууаплы ишледен бирине саналады. Аланы саны жетиге жетедиле, хар бирине жетишер темир чигинжи урулукъду. Жерни тешген машинала аланы жыйырма метр теренликке орнатадыла эм ичлерине бетон къуууп толтурадыла.

Эски кёпюр 1986 жылда иш-

леннгенди, андан бери аны чигинжилерин суу талап иги да тозуратхан эди. Аны бла бирге төрт ызлы жолда кёпюрню жаланда эки ыздан къуралгъаны автотранспортха улуу чырмау салгъанды. Жангысы уа төрт ыздан къураллыкъды, узунлугу – 136, кенглиги да 24 метрге жетерикди эм къоркъуусузлукъ жаны бла мардалагъа да келиширикди. Ол быйыл жайгъа хайырланылыргъа берилерге керекди.

Бизни корр.



Биз биргебиз

Нальчикде «Махтаулыкуну ёмюрлук оту» мемориалда СССР фашист Германияны хорлаганлы 78 жыл толганына аталып, уллу патриот акция болганды. Анда жамауат организациялары, министрстволаны эм политика партиялары келечилери, жаш тёлү фашизмге кыжаа «Бизни деменгили Ата журтубуз» союз патриот проектни чегинде марш-эстафетага кытышханлагга кыуанчы халда тюбегендиле.

Аланы Урушну, урунуу, саууланган кючлени эм право низамны саукчулачу органлары ветеранларыны Нальчик шахарда советтерини башчысы Абдулаланы Мустафа алгышлаганды.

- Биз бюгон аскер махтаулыкуну шахары Нальчикде ёмюрлук отну кытында бек багъалы кыонакылагга тюбейбиз. Быйыл тарых бла байламлы кеп магъаналы кюнню белгилерикбиз – республиканы фашистледен азатлауу, аланы Сталинградда бла Курскда ууатынуу. Бу ишлени юсюнден а, бек алгъа, жаш тёлү билерге тийишлиди. Сизни ата-бабаларыгыз дуняны кесине кыл этерге излеген душманны кырутхандыла, жер башына мамырлык, ырахатлык келтиргендиле.

фашизм жангыдан башын кётюрюрге излегенде – анга тийишлисча жууап берирге борчлубуз. Аланы умутлары толлук туйюлдо, Россей шухьлукуну суйген кыралды, бу жол да хорлам анда боллукду, - дегенди Мустафа Камалович.

Ызы бла сёз акцияны кырагъанладан бири Олег Слюсаренкога берилгенди. «Жар уллу кыралны тарыхында аны тин, билим эм кеп башча жаны бла онжыллык-лада айныуун белгилген ишле боладыла.

Фашизм башын кётюрмез ючюн



Аны ючюн а бир атламы арта бармай, жанлары-кыанлары аймай уруш этгендиле. Бизни бюгон борчубуз, алагъа хурмет эте, эсибизде сакларгады.

Эм огъурсуз урушда биз 26 миллион адаммызны тас этгенбиз, совет аскерчилерибиз Баренцово тенгизден башлап Ледовитый океанга дери кызауатлагга кытышхандыла. Уллу кырал бюгюлмегенди, баш урмаганды. Бюгон да аллыбизга жангы кюркёу чыкыганда,

Бизни кеп миллетли кыралыбызда ол жерни Уллу Ата журт уруш алганды. Совет аскерле фашистлени ууатханлары аланы бирликлерини белгисиди. Уллу кыйын салып, ата-бабаларыбыз гитлерчилени тыйгандыла. Бусагъатда да бандеровчуланы кыруутурга керекди. Бизни фашизмге кыжаа проектбизни мурады да айтхылык тарыхыбызны ёмюрледе саклауду, бусагъатдагы болумлада жамауатыбызны бирикдириуду эм журту-



бузу жерлерин кыруулауду», - деп, Олег Слюсаренко республиканы башчыларына, жыйылгъанлагга да ыразылыгын билдиргенди.

Парламентни депутаты Коммунист партияны регионда белюмонно биринчи секретары Борис Паштов да бюгонюкде уллу кыралны халкыларыны жигитликери каллай магъананы тутханын чертгенди. Ол, жаш адамлага айланып, жашауларын башлаган, сайлау этген, игини осалдан айырган кезиуде, тюз ону этерге кереклисин айтханды. «Фашизмни кыруутур ючюн каллай багга берилген, аны багъасы уа адамланы жашаулары болганды, унутулмазга тийишли эди. Битеу дуня ол дерсин ангылап, мындан арысында фашизмни ызы да кыалмазга этерге кюреширге керек эди. Алай бусагъатдагы болум бир-бирле ол эсеплени унутханларын кёргозтери, фашизм жангыдан жаратылып башлаганчады. Аны ниети уа недеди – бир тюрлю шартлагга келишмеген адамланы учуз этиуде, аланы намысларын тюшюрюуде, кыруутууда. Аны ючюн бардырылады бу акция, аны ючюн таматала сизге насихат этедиле», - деп белгилегенди Борис Султанович. Ол, Малкяр халкыны да жангырыу юнюю бла

алгышлап, жер башында бир халк да аллай кыйынлык чекмезин тежегенди. Уллу Ата журт урушда ёлгенлени бир минутну шаш туруп эсгергенлеринден сора жыйылгъанла Жаш кыраучуу театрыны аллында Хорламы байрагын жайгандыла.

«Бизни деменгили Ата журтубуз» союз патриот проектни чегинде марш-эстафетаны чегинде анга кытышханла быйыл жолучулукларынын Запорожье областада Мелитополь шахарда башлап, Херсон областада, Крымда, Севастопольда, Краснодар эм Ставрополь крайлары шахарларында, Абхазияда болгандыла, Нальчикке жетгендиле. Мындан эстафета Пятигорскга ётерикди, андан а Цхинвалга, алай бла ала битеу да 110 шахарга кыайтырыкдыла. Кыбыла жанында – Дербентте, кюнчыгышда – Нижний Новгородда, шималда – Полярныйде бла Мурманскда эм кюнбатышда Брестде боллукдула. Аланы барысында да Хорламы 200 квадратметрик байрагын жаярыкдыла. 9 майда уа «Ёлюмосюз полкуну» санында аны Москвада Кызыл майданга чыгарыкдыла.

КУЛЬЧАЛАНЫ Зульфия.
Суратла авторнудула.

ТУРИЗМ

Таулада солургга чакырадыла

«Элбрус» курорт адамланы таулада солургга бардырырга чакырады. Анда 10-16 апрельде мастер-класска, юйрениуле бла солуу кюнню байрамы кыраллыкды. Бу кюнледе 18 жыллары толмагъанла канат жоллагга билетни 100 сомга алаалыкдыла, аны ючюн сабийни жыл санын тууганыны юсюнден шагытлык кыагыт, паспорт неда школчуну картасы бла хайырланырга боллукду. Бу билет бла гитчеле бла акылбалык болмаганла канат жолланы юч очереди бла курортну эм бийик жерине – Гара-Башы станцияга кётюрюрге, анда 3847 метр бийикликде орналган майдандан төгеректе кыарар-

га, Уллу Кавказ хребетге бла Минги тауну эм башын да кётюрюрге боллукдула. Анда дагыда шухьларына эм бийикде орналган почта ящикке атып письмо иерге, сурат алырга деп хазырланган жерледе суратха тюшерге жарарыкды. Сабийле Космонавтиканы кюнине аталган мастер-класска кытышырыкдыла, саугала аллыкдыла, аниматорла бла ойнарыкдыла, курортну станцияларындан биринде уа кеслерин аквагрим бла да жасарыкдыла.

- Биз сабийлени бла аланы ата-аналарын окуудан бла ишден бош кюнледе Минги тауда солургга чакырабыз. Ол жангы кюч алырга, канат жолла-

да учарга, тамашалык табийгъатда жолучулуклагга чыгарга, таза тау хауа бла солургга аламан тап заманды. Каникулла 15 апрельде Азау талада уллу байрам программа бла бошалыкдыла, - деп билдиргенди «Кавказ. РФ»-ни таматасыны орунбасары Рустам Тапов.

Беш жыллары толмаган сабийлеге уа канат жоллада учуу жылыны кыайсы кезиуде да хаксызды. Лыгота бла хайырланыр ючюн кассода аланы жыл санларына шагытлык этген кыагытны кёрютюрюрге керек боллукду.

ХАБИБУЛЛАХЛАНЫ Зульфия.



Учредитель: Кыабарты-Малкяр Республиканы Парламентни бла Правительствоу

Баш редактор
КЪОНАКЪЛАНЫ Хасан

РЕДКОЛЛЕГИЯ:

ТЕКУЛАНЫ Хауа
(баш редакторну орунбасары),
ЖАНГУРАЗЛАНЫ Нажабат
(баш редакторну орунбасары),
ТОКЪЛУЛАНЫ Борис
(жууаплы секретарь),
МУСУКАЛАНЫ Сакнат,
ТИКАЛАНЫ Фатима,
ТРАМЛАНЫ Зухура,
УЛБАШЛАНЫ Мурат.

ТЕЛЕФОНЛА:

Редакторну приёмный - 42-63-01. Баш редакторну орунбасарлары - 42-38-21, 40-04-82. Жууаплы секретарь - 40-03-24. Секретариат - 40-93-62. Корректорла - 42-63-52.

Газет Басманы эм асламлы информацияны эркинликлерин кыруулау жаны бла Кыабарты-Малкяр регион инспекцияда 2016 жылда 19 декабрде регистрация этилгенди.

Регистрация номер — ПИ № ТУ07-00118. Индекс - ПИ 5893

Газетни басмагга "КъМР-Медиа" ГКУ-ну компьютер службасы хазыр этгенди.

Газет "Издательство "Южный регион" ООО-ну типографиясында басмаланганды. Ставрополь край, Ессентуки ш., Никольский орам, 5а

Номерге графикге кёре 19.00 сагытта кюл салынады. 20.00 сагытта кюл салынганды.

ГАЗЕТНИ НОМЕРНИ ЧЫГЪАРГАНЛА:

Татпасханланы Аминат - джурный редактор, Кучукуланы Сафият, Кетенчиланы Зульфия - жууаплы секретарыны орунбасарлары; Зезаланы Лида (2,3,4,9-чу бетле), Ахматланы Ллоаз (1,11-чи бетле), Геляланы Валентина (10,12-чи бетле) - корректорла.

Тиражы 1679 экз. Заказ № 668
Багъасы эркинди.

РЕДАКЦИЯНЫ ЭМ
ИЗДАТЕЛЬНИ АДРЕСИ:



360000, Нальчик шахар,
Ленин аты проспекти, 5

электронный почтасы:
elbor_50@mail.ru